



2020-mut aningaasanut Inatsisissartut siunnersuut.

(Aningaasaqarnermut Nunanilu Avannarlernut Naalakkersuisoq)

2020-mut aningaasanut inatsisissatut siunnersuut Partii Naleraq sinnerlugu imannak oqaaseqarfigissuarput.

Aallaqqaasiullugu Partii Naleqqamiit erseqqissaatigissuarput; Partii Naleqqami naalakkersuinikkut anguniakkatta pingaartut ilagimmassuk, inuit pissakinnerusut sanngiinnerusut akunnattumillu isertitaqartartut ulluinnarni atugaasa oqilisarneqarnisaat, taakkua nukittorsarneqarnisaat qaffassarneqarnissaallu inuiaqatigiinni pitsaannerusunik atugassaqaqalernissaat anguniarlugu suleqataaffigissallugit.

2020-mut aningaasanut inatsisissatut siunnersuut 2020-mi IS-mi 6,6 mio. kr-inik sinneqartooruteqarfiusussatut oqariartuutigineqarpoq. Taarsigassarsiallu ilanngunneqartut 2020-mut aningaasanut inatsisissatut siunnersuut IST-mi taaneqartumi ingerlatsinermi, sanaartornermi taarsigassarsisitsinermilu 2020-mi 16,1 mio. kr-inik sinneqartooruteqarfiususaaq ilanngullugu oqaatigineqarluni.

Piffissami aningaasanut inatsisiliorfiusumi 2020-2023-mi 2020-mut aningaasanut inatsisissatut siunnersuut IS-mi 1,7 mio. kr-inik sinneqartoorfiususaaq oqaatigineqarpoq, taamaalilluni piffissami aningaasanut inatsisiliorfiusumi aningaasartuutit isertitallu oqimaaqatigiinnissaannik Naalakkersuisut anguniagaat naammassineqartoq oqaatigineqarluni. Tamatumali aamma ingerlatsinermit aningaasartuutit qaffanneqarnissaannut aningaasanik atugassaqaqanngineq takutikkaa oqariartuutigineqarluni.

Pisortat ingerlatsinermi ukiumut 2020-imut aningaasanut inatsisissaattut siunnersuutaat inuiaqatigiit aningaasaqarneranut tamanut sunniuteqartorujussuusarpoq.

Utoqqaat atugaannut sunniuteqartaqaaq, Utoqqaat amerlasuut nunatta avataanut nunasiortorput pitsaannerusumik atugaqarumallutik.

Aningaasamut inatsisissaaq taamatullu ilinniartut atugaannut sunniuteqartaqaaq, tassa naatsumik oqaatigalugu inuit privatimik aningaasaqarnerannut sunniuteqangaatsiartarpoq nunatsinni sumiikkaluartulluunniit, sumiiffiit ilaat sakkortunerusumik eqqugaasarput ingammik illoqarfiit anginerit avataaniittut annertuumik malussarfigisarpaat qitiusumi allannguutit



partii naleraq

annertunngikkaluartullunniit. Taamaammat nunarput tamaat isigalugu qanoq aqqissuteqarnissaq pingaruteqartorujussuuvoq ulluinnarni nunap inuisa inuunnerannut kalluaasarmat.

Tamatutaaq sunnerneqartarput nammisortutut ingerlataqartunut taakkulu qanoq atugaqarumaarnissaannut, ukiut kingulliit amerlavallaat aningaasamut inatsisissap isorliunerusuni nunaqarfinnilu aammalu illoqarfinni akunnattumik angissuseqartunut annertoorujussuarmik sunniuteqartarsimavoq, sumiiffippassuarni aningaasaliissutaasartut amigaannaratik annikippallaaginnaratik sumiiffippassuit ukiut amerlavallaalersut uninngatinneqarsimammata, tamakku ilanngullugit ataavartumik ingerlaqqilernissaat aningaasaliiffigisariaqarlunnarpagut.

Partii Naleqqamiit neriuutigilluinnarparput aningaasamut inatsisissami aappassaaneernissaanut nunarput tamaat isigialugu politikikkut isumaqatigiinniartoqareerluni nunarput tamaat peqataasusanngorlugu aqqiisoqarluni inissittoqassasoq.

Sumiiffinni amerlasuuni ineriartorneq annikippallaarpoq aammalu ilaatigut uninngalluni.

Inuiaqatigiit Kalaallit ukiuni kingulliunerusuni aningaasaqarnikkut atugaat pitsanngoriartorsimannigilaq, inuuniarnikkut atugassarititaasut aningaasartuutit qaffakkiartuinnarsimapput. Tamassumalu kingunerisaanik innuttaasut oqinnerusumik inuuniarnikkut atugaqalernissartik takorloorlugu anguniarlugulu illoqarfinnut annerusunut ineriartorfiunerusunullu nutsernerat malunnartumik annertuseriarsimavoq.

Taamatullu aamma nunap inui amerlavallaat nunap avataanut nunasittariaqartut pitsaanerusumik inuuneqarumallutik inissisimalersimapput, amerlasoorujussuunerallu nuuttariqartartut annikillisassagutigu qanoq iliuuseqartariaqarlunnarpugut.

Peqqutaasut ilagilluinnarpaat peqqinnissaqarfimmi periarfissat, Peqqinnissaqarfimmut aningaasaliissutaasartut qaffasinnerungaartumik inissittariaqarlunnarput, sipaarniarfigeqqinnagit pitsaanerpaamiitilernissaa politikikkut piumassuseqarnerulluta inissinniartariaqarlunnalerparput.

Nuna avannarliit allat nallersuussivigisartakkagut qiviaraanni nunarput ajoraluartumik peqqinnissaqarfimmut appasinnerpaamik inissisimavoq aningaasaliisarneq eqqarsaatigalugu, taamaammat aamma tamanna soorunami kiffartuussiniarnerigaluamut sunniuteqartarpoq, peqqinnissaqarfik sipaarniarfigeqqinnagu nukittorsaavigisariaqarpoq, qaffassaavigisariaqarpoq.

Nunatsinni nakorsiarniarneq nunap inuunut ajornarpallaaqaaq, taamatut ingerlaannartoqarsinnaangilaq piartumik qanoq iliuuseeqarluta aqqiiffiginiartariaqarlunnarparput.

Aningaasarsiorneq eqqarsaatigalugu killeqarlunnartumik tunisassiorfiit aalisakkanik tinguoraanerisa aalisartut eqqissillutik aalisarsinnaanerit killilersorneqartoq.



partii naleraq

Partii Naleqqamiit arajutsisimangilarput, tunisiniartarnermi killilersuineq iluarsartuuttariaqarpoq aalisartup eqqissilluni aalisarsinnaanissaa eqqarsaatigalugu anguniarlugulu.

Pissusissamisoorinnaangilarmi aalisartup tamatigut tunisinialeraangami ulloq tunisiffissani qinnuteqaatigeqqaartassagaa. Nalunaaqutaq naalagaajunnaarluni sila apeqqutaalluinnartartoq aallaavigisariaqarpoq.

Illoqarfiit nunaqarfiit isorliunerusut aalisartut aalisarluarnermikkut aningaasaqarniarnerat ajunngilluinnaraluartoq taamaattoq nioqqutissat, ineqarniarnikkut, innaallagissap, imeq, anartarfinnut eqqaaveqarnernullu akiliutigineqartut akiisa qaffasippallaarujussuarnerat pissutaallutik innuttaasut nutsernerat malunnartumik qaffariarsimasoq maluginiarneqarpoq.

Nioqqutissat eqqarsaatigalugit ilumoorsinnaangilaq Upernavik-mi aasakkut yoghurt-ip akia 27,00 koruunimiik ukiukkut 40,00 koruunimut qaffarujussuarternera. Taamatuttaaq Ittoqqortoormiini naatsiiat akiisa kiilumut 60,00 koruuneqarnerat uissuuminarluinnartut ilaginnarpaat, taamaattumik Naalackersuisut oqariartuutaat eqqorsorinangilaq oqartoqarmat aningaasaqarneq patajaatsumik ingerlasoq. Innuttaasut inuuniarnikkut taama killeqartigisumik atugassaqartillugit oqaaseq “patajaatsumik aningaasarsiorneq” ingerlanerarlugu oqaatigissallugu ingasapallaaqaaq.

Partii Naleraq isumaqarpoq nunatta aningaasaqarneranut annerusumik aningaasarsiornermik isaatsiviusut nunattalu avammut niuerutaannik annertuumik malunnaateqarluinnartumillu isaatsisuisut tassaasut aalisartut illoqarfinni nunaqarfinnilu isorliunerusuneersut, parlattuutigut nioqqutissat akiinik apparsaavigineqanngisaannartut illoqarfissuarnut ineriartortinneqartunut sanilliullugit. Taamatut ingerlasoqarsinnaangilaq. Qanoq iliuuseqartariaqarluinnarpugut.

Partii Naleraq isumaqarpoq piniartutut inuussutissarsiuteqartut atugaat pitsanngoriartorsimangitsut ukiuni kingullerni, tamassumalu nunap ilusaata aqqissuusaanikkut qanoq issusialu tamaat qitiusumiit aqutsinikkut puigorneqarluinnarsimasoq.

Piniartutut inuussutissarsiuteqartut upernaannartoq aammalu aasaq juulip ingerlanerani piniakkat killilersukkat qilalukkat qernertat pisassiissutit nungunneqarmatali nillialerput qinnuteqartarsimagaluarlutillu pisassanik nutaanik tuneqqullutik, aningaasarsiornermik ingerlaatiinnarumagaluarlugu, taamaattorli Naalackersuisut tapersersortaasalu Demokraatit piniartutut inuussutissarsiuteqartut aningaasarsiornissaannik inuussutissaannik killilersuinertik ingerlattiinnarpaat, tamannalu akuersarneqarsinnaangilaq.

Taakku inuuniarnissaminnut aningaasarsiornissaminnut innarlerneqaannangillat kinaassusiiagaapput.

Massakkullu piniartutut inuussutissarsiuteqartut Naalackersuisuutitaqartuniit immikkut pisassinneqarnissaat ujartorneqalerpoq. Arraa Kalaallit Nunatta issittuunera



partii naleraq

Naalakkersuisuutitaqartut puigorsimanerpaat, Sooruna aatsaat ukiaruttornerani aaqqiiniartoqalersoq, suli piffissaagallarmalli aaqqiisoqartariaqarlunnarsimagaluarpoq.

Sumiiffinni amerlavallaani ineriartorneq arriippallaamik ingerlavoq, inuussutissarsiutitigut inerisaasoqanngippallaarpoq paarlattuanik inerisarneqartussaagaluartuni, sanaartorneq kommuni akisussaaffigilersimasaa sutigut tamatigut unittooqqasutut inissisimavoq taamatullu allaat ineriartorunnaartoqarluni uningasoqarluni.

Illoqarfiit annerusut kisimik uukkatarineqarpallaaqaat aningaasanut inatsisissaq aqqutigalugu, puigorneqartutullu illoqarfiit minnerusut taakkulu nunaqarfii inissisimalersimallutik, ineriartortitsineq taakkunani ataqatigiissaakkamik aallarteqqittariaqarpoq.

Ilanngaassivik

Naalakkersuisooqatigiit tapertaasalu siunnersuutaat Ilanngaassivik Partii Naleqqammit sukumiisumik misissuataareerlugu aammalu nalilersuilluareerluta atorsinnaanngilluinnartut nalilerusupparput.

Allaffissornerujussuaq annertusaqqittariaqanngilluinnarpoq annikillisartariaqartoruna, taamatut aaqqissuussiniarnermi pisortat kisimik iluaqutigiinnarnagu allaffissornermik annertusaataaqqittussamik siunnersuuteqarnerat eqqarsaatigilluagaanngitsutut torrallataanngitsutullu nalilerusupparput.

Taamatut aaqqiiniarnerup allaffissorneq annertunerusoq pilersinnartussaangilaat nassatarisinnaasaalu amerlasuut sunniutipiluutaasinnaasut amerlasuut eqqarsaatigineqarsimarpasinngilluinnarput siunnersuuteqartuniit.

Aningaasat pisiaqartinneqaqisut allaffissornermut qaffasaanermut atoqqinnagit pitsaanerusumik siunertaqartumut atortariaqaripput Partii Naleqqamiit isumaqarpugut.

Mittarfiit

Mittarfiit nammineq 2,1 milliard-inik tassalu 2.100.million koruuninik akiiliiffigisassanngorlugit aaliangiiffigineqarput, taamatullu piginneqataanissap 33 %-ia qallunaanut tunniunneqartoq 700 millioninik nalilerlugu tunineqarluni, taamatullu aningaasanik taasersugassanik qallunaat 900 million koruuninik attartitsillutik.

Taamatut aaliangereernerup saniatigut maannakkut aningaasanut inatsisissamut sooruna qaavatigut annertunerusumik aningaasaliinissamut piумаqqittut? Naalakkersuit 1 milliard koruuninik tassalu 1000 million koruuninik piумаqqinnerat sulialluunniit suli aallartinneqanngitsut assorujussuaq eqqarsariaallannarpoq taama annertutigisumik qinnuteqaqqittoqaqqinneranut.



partii naleraq

Taamatullu Naalakeersuisut aktieselskab-inik tuniseqqinnissamik isertitassat aamma 170. mio koruunit isertinniarlugit aningaasamut inatsisissami saqqummiuppaat, kisiannili oqaatigineqarani selskabit suut tuniniarneqalersaarnersut. Taamaammat aperusunnarput inuiaqatigiit pigisaat suunuku tuniniaqqinniarneqalersut?

Peqqinnissaqarfik

Peqqinnissaqarfimmi sulisut tamaviaarput aammalu sapinngisartik naapertorlugu atugassarititaasut sinaakkutissalu aallaavigalugit innuttaasunut kiffartuussiniarsaralutik.

Partii Naleqqamiit peqqinnissaqarfik pillugu oqaatigisartakkagut oqaatigeqqissuagut

Suliassat annertoqaat aammalu pitsaasumik atugassaqarlutillu sinaakkuteqartariaqarput, peqqinnissaqarfik atugarliorpoq peqqiilliorpoq qanoq iliuseqarfisariaqarluinnarpoq.

Innuttaasut nunap inui pitsaannerusumik kiffartuunneqatariaqarput. Peqqinnissaqarfimmut atugasarititaasut pitsaannerulersittariaqarput aningaasaliissutitsigullu pitsanngorsaasariaqarluinnarpugut.

Peqqinnissaqarfimmut aningaasaliissutaasartut qulerarterutaat (1/10) angallannerinnarput atortarpagut. Taamaammat ajornannginnerusumik eqaannerusumillu angallassinikkut aaqqissuussisariaqarluinnarpugut, nakorsiarsinnaaneq ajornannginnerusariaqarpoq, maannakkut innuttaasut nakorsiarniartarnerat ilungersunarpallaarujussuaqaaq pitsaannerulersittariaqarluinnarparput.

Nuna avannarlerni innuttaasunut agguaqatigiissillugu peqqinnissaqarfimmut aningaasartuutigisartakkagut appasinnerungaarput, taamaammallu aamma kiffartuusiniarsarineq taamaanneranut appasinnerunera atuuppoq. Pitsaassuseq peqqinnissaqarfimmi qaffasinnerusariaqarpoq.

Sumiiffinni amerlasuuni peqqinnissaqarfik kiffartuussinerata apparsaavigineqartuarnera unitsillugu pitsanngorsaavigisariaqarpoq – nunap inui peqqinnerusut katsorsaaniikkaat pissanngilaq aamma peqqinnissaqarfik susassaqtullu allat suleqatigalugit peqqinnerulernissarput annertusiartortoq sulii annertusarlugu suliniuteqarnerusariaqarput.

Sumiiffinni assigiinngitsuni annikillisaaniarsarineq unitsittariaqarpoq, soorlu Aasianni aallanilu ernisinnaaneq aqqutissiullugu tamaviaarutigisariaqarpoq.

Ittoqqortoormiit isorartoqisumi inissisimasooq nakorsaarunnissaanik aliangerit akuersarneqarsinnaanngillat. Tamanna ajornerusumik ingerlatsilernerme assersuuterpassuit ilagiinnarpat.



partii naleraq

Taamatut oqaaseqarluta suliap aappassaaneerreqannginnerani Aningaasaqarnermut Akileraartarnermut ataatsimiititaliamut sukumiisumik sularineqarnissaa inassutigaarput.

In.in.

Jens NapãtôK´

Aningaasaqarnermut Akileraartarnermut oqaaseqartartoq